

Aningaasaqarnermut Ataatsimiititaliap suliaq nr. 01.31.06/08-00311 pillugu pingasunngornermi ulloq 20. februar 2008-mi aalajangiinera pillugu Naalakkersuisunut ilisim atitsineq.

(Naalakkersuisut ulloq 14. februar 2008-mi ataatsimiinneranni imm. 2a)

Inatsisartut 2008-mi aningaasanut inatsisaanni oqaasertaliussaq 1-imik annertusisitsineq

Naalakkersuisut **inassutigaa**,

Oqaasertaliussaq nassuiaatillu ilanngunneqartut Inatsisartut ilassutitut aningaas aliissutitut inatsisaannut ilanngunneqassasut.

Aningaasaqarnermut Ataatsimiititaliap oqaaseqaatai

Oqaasertaliussaq una nassuiaatitalik Aningaasaqarnermut Ataatsimiititaliamit akuersissutigineqassasoq Naalakkersuisut siunnersuutigaat:

" Suliassaqarfiit 10-89

"Naalakkersuisut piginnaatinneqarput suliassaqarfiit allanngortinneqarnerisa kingunerisaanik kontot pingaarnert akornanni aningaasaliissutitik oqaasertaliussanillu nuussuinissaannut.

Taamatuttaaq kontonut pilersaarummi allanngortitsinissaannut."

Oqaasertaliussanut oqaaseqaatit.

Oqaasertaliussatigit periarfissaqalerpoq Naalakkersuisut suliassaqarfiit allanngornerinut atatillugu aningaasaliissutitik suliassat agguanneqarnerisa allanngornerinut malinnaatitsinnaanissaannut.

Pisortaqaarfinniit naalakkersuisoqarfinnut allanngortitsinermut atatillugu paasineqarpoq kontonut pilersaarutit allanngortinneqarnissaa pisariaqatoq taamaalilluni kontonut pilersaarut Naalakkersuisut allaffissornikkut aqutsinerata aqqissuussaananeranut naapertuutilersillugu.

Oqaasertaliussat AI 2007-imiit ingerlateqqitaapput iluarsaateqqitaallutilli"

Aningaasanut inatsimmi pingaarnersiulluni tulleriiarinerit saneqqunneqarnissaannut oqaasertaliussaq atorineqassanngimmat Aningaasaqarnermut Ataatsimiititaliamit erseqqissarneqassaaq. Taamaalillunilu Naalakkersuisut suliassaqarfiinik allanngortiterinerup toqqaannartumik nassatarisaasa saniatigit siusinnerusukkut suliassaqarfiit akornanni allanik nuussisoqarsinnaanngilaq. Taamaaliornikkut aningaasanik nuussinikkut atuinerussutaasimasinnaasut toqqorterineqannginnissaat qulakkeerneqassaaq. Tamatuma saniatigit Naalakkersuisoqarfiit aqqissugaanerannut nutaamut Namminersornerullutik Oqartussat qitiusumik allaffeqarfiata maanna aqqissuuteqqinneqarnerani siunertarineqartutut oqaatigineqartumut aningaasanut inatsimmi aningaasaliissutitik naleqqussaanaissa mut naleqquttumik oqaasertaliussap annertusineqarnera pisariaqartumik aqqiigallarnertut isigineqartariaqartoq ataatsimiititaliap erseqqissassavaa.

Taamaattumik oqaasertaliussaq annertusisaq ukiunut aningaasanut inatsiseqarfiusunut tulluutt unut ingerlateqqinneqartariaqanngilaq.

Aningaasaqarnermut ataatsimiititaliap aalajangiinera

Siuliani allassimasutut paasinnineq tunngaviutillugu Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua